

# 8 Ngā pakihi o mua

## Mahere wātū

### Ngā karere matua

- He kaipakihi angitu ōku tūpuna i whakamahi i ā rātou rawa hei oranga mō rātou.
- I whai rātou rātou i te tino painga ka taea i ngā arawātea i reira i tō rātou wā.
- He utauta pai te mahere mahi aramahi e tautuhi ai au i te tino painga ka taea i ōku anō arawātea aramahi me taku whiwhi i aua painga.

### Te raupapa wātū

1. Timata ki te karakia, ka tono i ngā rangatahi ki te whakamōhio atu ko wai rātou. Kīia atu ngā rangatahi e honoa ana rātou e ō rātou maunga, awa hoki ki ētahi wāhi i Aotearoa i hāpai i te ora o ō rātou tūpuna i tō rātou taenga mai ki konei i tōna 1,000 tau ki mua. Tonoa rātou kia pohewa i te āhua pea o Aotearoa i te wā ki ō rātou tūpuna. Whakaaturia te whakaahua mahere mahi aramahi Whenua ki a rātou, ka matapaki ai i ēnei:

- Ki ō whakaro, he aha pea ō rātou whakaaro tuatahi i te ūnga mai ki konei?
- He aha ngā momo mahi me mahi tuatahi e rātou?
- He ngohe aramahi aua mahi? (āe)
- Utua ai te tangata mō ana mahi? I pēhea tā rātou utu i ngā mea? (te tauhokohoko, nā ia tangata ōna pūkenga i whakamahi, te noho ā-hapori)
- Ko wai mā ngā rangatira o aua mahi? Ko wai mā ngā kaimahi?

Whakaūngia te hira o ngā aramahi katoa i ngā porihanga o neherā (ngā kiriawe, ngā kaiwhakahaere, ngā kaimahi, ngā kaiāwhina, ngā kaiaua).

Mā tēnei matapaki e whakatakoto te kōrero mō tēnei wāhanga o te Hōtaka Aramahi Mā Te Rangatahi. Hoki atu ki ngā ariā matua, me te whakapakari tonu, puta noa i ngā wātū katoa.

2. Whakamōhio rātou ki te whakataukī i te ngohe mahere mahi aramahi. Kīia atu ki ngā rangatahi whakamahia ai te ao tūroa e ō rātou tūpuna hei whakaahua i ngā āhuatanga o tō rātou anō ao. Mō te tōrea te whakataukī “Ka whati te tai ka pao te tōrea”, mōna e nanao atu te arawātea ki te kai mātaitai ina huraina ērā mō ngā wā poto i te huringa o ngā tai. Mō te whiwhi i te tino painga ka taea i ngā arawātea te hāngai o tēnei whakataukī. Matapakina:
- Ka pēhea tēnei whakataukī e pā ki āu anō kōwhiringa aramahi?
  - He aha ngā arawātea kei tō taiao? (ngā arawātea ako, te whiwhi tohu, ngā wheako hou, ngā kōtuitui tangata)

### Ngā āheinga aramahi matua

Te whakaatu pūkenga mau ki te ata hinengaro takatika i te taiao tūtata.

Te whakawhanake pūkenga whakamahere aramahi.



#### Ngā pātai matua

He pēhea ngā pakihi e timata ai?

He pēhea ngā pakihi e whakarato painga ai ki te tangata?



#### Ngā rauemi tautoko

Kaiārahi PowerPoint 8

Rauemi kaiārahi: He kupu tipoka mō te mahere mahi aramahi whenua

Ngohe rangatahi: Mahere mahi aramahi whenua

Ngohe rangatahi: Ngā kāri mō Ngā pakihi o mua



#### Roanga

40-50 meneti

# 8 Ngā pakihi o mua

## Mahere wātū (e haere tonu ana)

3. Kīia atu ki ngā rangatahi he kaipakihi angitu ō rātou tūpuna tērā i whiwhi i te tino painga ka taea i ngā arawātea e tuwhera ana ki a rātou i tō rātou orange.

Hoatu ki a rātou he huinga o ngā kāri Ngā pakihi o mua. Hei rōpū iti, tonoa rātou kia arotake i ngā kāri me te tautohu i ngā mahi tino angitu rawa e rima: i mua i te taenga mai o te Pākehā, i muri i te taenga mai o te Pākehā, i tēnei rā hoki.

Matapakitia tahitia hei rōpū ngā whakautu.

- He aha ngā mahi o mua rawa? I hiahiatia tonutia i muri i te taenga mai o te Pākehā?
  - He pēhea ngā aramahi i huri ai i roto i te wā? He aha ngā aramahi e hiahia tonutia ana i tēnei rā?
  - He pēhea ngā mahi i huri ai i roto i te wā?
4. Whakaaturia te mahere mahi aramahi whenua ki ngā rangatahi, me te kī atu ka whakaoti rātou i tā rātou anō mahere hei āwhina i a rātou ki te tautohu i ngā arawātea, me te noho takatū mō ērā, i tō rātou huarahi aramahi. Ka whakarato ngā kupu tīpoka mahere mahi kei raro nei i te whakamāramatanga atu anō o ngā wāhanga mahere aramahi e whā.
5. Tīkina ake te ngohe mahere mahi aramahi whenua me te hoatu i tētahi ki tēnā, ki tēnā rangatahi. Matapakina tō ō rātou tūpuna māia ki te wehe atu i Hawaiki, te whai wheako hou me te whakakore i ngā wero o te noho ki tētahi whenua hou. He aha ētahi wheako hou e awherotia ana e ngā rangatahi? Tonoa rātou kia whakaoti i te wāhanga Te waonui a Tāne o tā rātou mahere mahi aramahi. Kīia atu ki ngā rangatahi mā te noho tuwhera ki ngā wheako hou me te rapu arawātea hou e whakaputa tūponotanga hiamō mō ō rātou anamata.

### Rangatahi Futures

Tō tātou wāhi ki te ōhanga 8. Ngā pakihi o mua  
Ngā rauemi kaiārahi: Ngā mahere wātū, He kupu  
tīpoka mō te mahere mahi aramahi whenua

# 8 Ngā pakihi o mua

## Rauemi kaiārahi: He kupu tīpoka mō te mahere mahi aramahi whenua

### Te wao nui a Tāne – Te noho tuwhera ki ngā wheako hou

Nō te taenga mai o ō koutou tūpuna ki Aotearoa me whakamātautau rātou i ngā kai hou, ngā rauemi hou mō te hanga taputapu, kākahu me ngā whare, me te urutau ki tētahi āhuarangi hou i pā ki ngā āhuatanga tipu huakai me te āhua i hangaia ai ō rātou kāinga. I tūpono noa ngā momo manu hou me ētahi rawa taiao hou. Kia ora ai, kia pūwhenua ai i Aotearoa, i urutau rātou, i noho tuwhera tonu ki ngā wheako hou, ki ngā ara hou o te mahi i ngā mahi. Ko koe hoki ka whai ārawātea hou hei whakamātautau i ngā wā kei te haere mai. Ahakoa kāore anō koe, ō koutou hoa, tō whanau rānei, kia māhi i tētahi mahi, ehara i te mea me pērā koe.

I roto i ēnei wātū, kei te tono au kia whai whakaaro koe ki ngā wheako hou ka hiahia pea e koe tērā ka āwhina i a koe ki te whakawhanake i ōu pūkenga, mōhiotanga me ōu āhuatanga i tēnei wā. Kāore koe e mōhio ki hea kawea ai koe ā muri atu e aua wheako.

### Te awa – te para huarahi hou

I te taenga mai o ō tūpuna ki Aotearoa nā rātou ētahi ara hou i para e ora ai rātou i tō rātou ao, pēnei i te tauhokohoko rawa rerekē, te whakamahi tikanga aruaru hou me te whai tikanga hou mō te whakatipu huakai hou. Pāuaua tonu ai rātou ki te mahi i tērā i hiahia, ā, kore rawa i tuohu. Ko tēnei mea te para huarahi hou ko te āta whakahaere me te anga whakamua tonu i tōu anō awa, ara rānei. Otirā ko te whakaae ki tōu anō āhua, me te whirinaki ki ō pūkenga whakawā, me te noho pūtohe tonu kia ea ai ō wawata.

### Te waka – te tautuhi tautoko mō tō haerenga aramahi

Ko tā te waka mahi, he kawē tangata me ngā rawa i tētahi wāhi ki tētahi anō. I āwhina i ō tūpuna ki te tauhokohoko me te hanga hononga puta noa i Aotearoa me Te Moananui-a-Kiwa. I mōhio anō ō tūpuna ki te uara o ngā hononga ki ētahi atu. Tere tonu tā te Pākehā hanga hononga ki te Māori i te taenga mai ki Aotearoa kia taea ai e rātou te pūwhenua mai.

Ka āwhina te honohono ki tāngata kē i a koe i tō haerenga aramahi. Ahakoa he kōrero ki ngā whanau me ngā hoa mō ō kaingākau mahi, he whakapā rānei ki nga whakahaere whakangungu, kaitukumahi rānei mō ngā wheako mahi, he whāki rānei ki te matua kēkē o tō hoa tō kaingākau ki te hī ika. Ahakoa te matakū pea i ētahi wā o te kōrero ki te huhua noa o ngā tāngata mō tāu e hiahia ai ki te mahi hei anamata, ka āwhina aua mea ki te whakamārama i ōu anō whakaaro mō āpōpō. Kāore koe e mōhio, tērā pea ka mōhio rātou ki tētahi tangata e mōhio ana ki tētahi atu tangata tērā pea ka hiahia i tētahi tangata penā i a koe kia uru ki roto i tōna rōpū.

### Te maunga – te whakatinana i tō pitomata

I te taenga mai o ō tūpuna ki Aotearoa ka mauria tahitia mai ō rātou pūkenga me ō rātou mōhiotanga i whaihua ki a rātou i Hawaiki, i tō rātou haerenga mai ki Aotearoa anō hoki. Nō te ūnga mai ki konei, me whakawhānui rātou i aua mōhiotanga me te āta whakarite kia nui noa atu ō rātou mōhiotanga ki tō rātou whenua hou. Kei te whakamahi mātou i te huahuatao o tō maunga hei whakaahua i ngā tohu me ngā mōhiotanga e hanga ana koe i roto i te wā hei āwhina i tō haerenga aramahi. Ia tau, ia tau tāpiripiri ai koe i ōu anō mōhiotanga, wheako hoki. He wāhi tō tēnā, tō tēnā o ērā ki te tutukinga o ōu anō whāinga aramahi. I tēnei wāhanga o te hōtaka mā mātou e arotake te āhua o NCEA me tōna āwhina pea i a koe. Ka āta tirorohia anō hoki te New Zealand Qualifications and Credentials Framework (NZQCF) tērā ka whakaatu ki a koe me pēhea te whakapakari tonu i ō mōhiotanga i muri i te wehenga i te kura, kia mataara tonu ai ki ngā arawātea kē mō te whakatinana i to pitomata mā ngā mahi ako whai ake.

### Rangatahi Futures

Tō tātou wāhi ki te ōhanga 8. Ngā pakihi o mua  
Ngā rauemi kaiārahi: Ngā mahere wātū, He kupu  
tīpoka mō te mahere mahi aramahi whenua